

反 蚺唐見 反 劍刺廉 反 邛丁 反 禮樓 反 祖紅 反 飴以 之 緹
切 綸囊 反 拜航 反 胡同 船音白 催七 雷督 反 丁谷 拵
反 烏敢 鏗初 反 眼

法苑珠林卷第十六敬佛

葉六

大唐上都西明寺沙門釋道世撰

彌勒部第五此別

述意部 受戒部 讚歎部

業因部 發願部

述意部第一

惟大覺世雄隨機利物巧施現權之教以救將來之急時經末代命同風燭遂要利生無過見佛以釋尊遺囑於我法中所修行者並付慈氏令悟聖果大聖殷勤理固無妄一念相值終隔四流結妙願於華林感慈顏於堯率能扣冥機雲龍相會故上生經云是諸人

等皆於法中種諸善根釋迦牟尼佛遺來付我觀此一言實固可祈自晉代之末始傳斯經暨乎宋明肇興茲會起千尺之尊儀舉萬仞之道樹設供上林鱗集大衆於是四部欣躍虔誠弘化每歲良辰三會無缺自齊代馭曆法緣增廣文宣德教彌綸斯業從此已來大會罕集行者希簡設有修學安心無法今錄諸經依之修行莫通八正則芬烈於紫宮化流十善則暉煥於堯率功被下生澤均初會也 受戒部第二 述曰若是居家白衣未受戒者先受翻邪三歸日別六時隨時便受顯歸三寶自誓不迴必得上生若出家五衆已受得戒但依修行不須別受若無戒行追空念善亦不得生故智度論云我某甲盡形壽歸依佛歸依法歸依僧如是我某甲盡形壽歸依佛竟歸依法如是又處胎經佛告彌勒偈云汝所三會人 是吾先所化 九十六億人

受吾五戒者 次是三歸人 九十二億者

一稱南無佛 皆得成佛道

述曰廣明三歸功力具如敬福論三卷說既受得三歸次須受十善戒法若不行十善定不得上生應具修威儀至一出家人前誠勸已一心至誠懺悔然後受云我某甲盡形壽

於一切有情上不簡凡聖不起熱心乃至第十我某甲盡形壽於一切有情上不簡凡聖

不起邪見如是我某甲盡形壽於一切有情上不簡凡聖不起殺心竟乃至第十我某甲

盡形壽於一切有情上不簡凡聖不起邪見

竟如是我某甲盡形壽於一切有情上不簡凡聖不起殺心竟乃至第十我某甲

過妄言綺語兩舌惡口意三過謂貪瞋邪見此之十種是眾善之根本止則是持作便是犯犯是十惡之本亦是万禍之殃

讚歎部第三

如菩薩本行經云正使化無數億計人成辟支佛若有人百歲四事供養功德甚多不如

有人以歡喜心一四句偈讚歎如來功德無量又如善戒經云以四天下寶供養於佛又以重心讚歎如來是二福德等無差別又大

悲經云一稱南無佛名者以是善根入涅槃界不可盡也又若能至誠心念佛功德乃至一華散於空中於未來世作天梵王其福不

盡以其不盡終至涅槃又涅槃經迦葉以偈讚佛言 大悲愍眾生故令我歸依善拔眾

毒箭故稱大醫王世醫所療治雖瘥還復生如來所治者畢竟不復發世尊甘露藥以施

諸眾生眾生既服已不死亦不生如來今為我演說大涅槃眾生聞秘藏即得不生滅

又大方等陀羅尼經尔時華聚菩薩即讚佛言 世尊身色如金山猶如日光照世間能

拔一切諸苦惱我今誓首大法王世主法王甚希有如是妙法復過是難見難聞亦難遇

若有觀者成正覺 尔時阿湏倫以偈讚佛世尊面目如日月能滅一切諸黑闇今復拔

拔

拔

濟於我等我等歸命天中尊 文殊師利問
經文殊說偈歎佛云 我禮一切佛調御無
等雙丈六真法身亦禮於佛塔生處得道處
法輪涅槃處行住坐卧處一切皆悉禮諸佛
不思議妙法亦如是能信及果報亦不可思
議能以此祇夜讚歎如來者於千萬億劫不
墮諸惡趣 佛言文殊善哉善哉如來不可
思議即說偈言 佛生甘蔗姓滅已更不生
若人歸依佛不畏地獄苦如是又華嚴經偈
云 寧受一切苦得聞佛音聲不受一切樂
而不聞佛名所以無量劫受此諸苦惱流轉
生死中不聞佛名故 又彌勒菩薩所問本
願經云佛告阿難彌勒不獨以偈讚我乃往
過世十無央數劫尔時有佛号焰光響作王
如來所有梵志長者名曰賢行於此佛所已
得不起法忍尔時梵志賢行者今彌勒菩薩
是阿難白佛言彌勒得法忍久遠乃尔何以
不速逮無上正真之道成最正覺耶佛語阿

難菩薩四事法不取正覺何等為四一淨國
土二護國土三淨一切四護一切是為四事
彌勒本求佛時以是四事故不取佛佛語阿
難我本求佛時亦有此四然彌勒發意先我
之前四十二劫我於其後乃發道意於此賢
劫以大精進超越九劫得於無上正真之道
致最正覺佛告阿難我以十事致最正覺何
等為十一所有一切無所愛惜二妻妾三兒
子四頭目五手足六國土七珍寶財物八髓
腦九血肉十不惜身命我以十事疾得佛道
又大悲經云佛告阿難汝觀如來在路行時
能令大地高處令下下處令高高下諸處悉
得平正如來過後地輒還復一切樹林傾側
向佛樹神現身低頭禮拜如來過後樹輒還
復一切丘陵坑坎屏廁臭穢藁林瓦礫皆悉
掃除平正清淨馨香芬烈眾華布地如來足
履蹈上而過無情諸物尚皆傾側何況有情
而不加敬何以故我本修行菩薩行時於一

第

卷十六

四

完

切人所無不傾側謙下禮敬以是善業得成
 佛已有情無情如來行時無不傾側低頭禮
 拜我本曾以清淨微妙稱意資產至心自手
 施諸衆生以是業報如來行時大地平正掃
 灑清淨又無瓦礫我於無量諸賢聖所在路
 行時曾與掃治道路泥治房舍我以平等心
 無高下掃治令淨於一切時常求菩提利益
 衆生以是善根若佛如來在在處處行來路
 首自然清淨地平如掌乃至須弥山王高八
 万四千由旬在大海中亦深爾許及鐵圍山
 高十六万八千由旬亦是金剛堅固佛涅槃
 時無不傾側低頭禮敬若欲遠避不傾側者
 亦無是處 由歎如來故乃至舍利弗從他
 聞歎佛偈亦得道果故普曜經安陸比丘以
 偈報舍利弗言 吾師天中天三界無極尊
 相好身丈六神通猶虛空花熏去五陰拔十
 二根本不貪天世位心淨開法門 時舍利
 弗欣然大悅如冥觀明口言善哉昔來抱疑

又吾好學八歲從師至年十六靡不周綜行
 遍天下十六大國自謂已達今乃聞異無上
 正真得吾本願 由如來過去心淨離著不
 害衆生故所行之處脚足不汗虫蟻不損故
 處處經云佛不著履有三因緣一使行者少
 欲二現足下輪三令人見之歡喜佛行足去
 地四寸有三因緣一見地有虫蟻故二地有
 生草故三現神足故亦欲令人意止佛行地
 高下皆平有三因緣一本行四等心欲令一
 切安隱地在水上水中有神虫蛾一切值佛
 足下皆安隱同心立意是故昇者為高高者
 為昇二諸天鬼神行福為佛除地故高下為
 平三佛為菩薩時通利道徑橋梁渡人故從
 是得福故高下正平欲令人意亦亦又智度
 論云世尊身好細薄皮相塵土不著身如蓮
 華葉不受塵水若菩薩在乾土山中經行土
 不著足隨嵐風來吹破土山令散為塵乃至
 一塵不著佛身若菩薩舉食著口中是時咽

喉邊兩處流注甘露和合諸味是味清淨故名味中得上味 又增一阿含經云無恭敬心於佛者當生龍蛇中以過去從龍中來今猶無敬多睡癡也又四分律說偈云

有敬長老者 是人能護法 現世得名譽 將來生善道 讚彌勒四禮文 依玄奘法師經翻出

至心歸命禮當來彌勒佛諸佛同證無為體 真如理實本無緣為誘諸天現堯率其猶幻士出衆形元無人馬迷將有達者知幻未曾然佛身本淨皆如是愚夫不了謂同凡知佛無來見真佛於茲必得永長歡故我頂禮彌勒佛唯願慈尊度有情願共諸衆生上生兜率天奉見彌勒佛 至心歸命禮當來彌勒佛佛有難思自在力能以多刹內塵中況今現處兜率殿師子牀上結跏坐身如檀金更無比相好寶色曜光暉神通菩薩皆無量助佛揚化救含靈衆生但能至心禮無始罪業定不生故我頂禮彌勒佛唯願慈尊度有情

願共諸衆生上生兜率天奉見彌勒佛

至心歸命禮當來彌勒佛慈尊寶刹多化佛其量超過數百千此土他方菩薩會廣現神變寶窻中佛身白毫光八万恒說不退法輪因衆生但能修福業屈伸臂頃值慈尊恒沙諸佛由斯現況我本師釋迦文故我頂禮彌勒佛 法苑珠林卷六

勒佛唯願慈尊度有情願共諸衆生上生兜率天奉見彌勒佛至心歸命禮當來彌勒佛諸佛恒居清淨刹受用報體量無窮凡夫肉眼未曾識為現千尺一金軀衆生視之無厭足今知業果現閻浮但能聽經勤誦法逍遙定往兜率宮三塗於茲必永絕將來同證一

法身故我頂禮彌勒佛唯願慈尊度有情願共諸衆生上生兜率天奉見彌勒佛

業因部第四 如來曾有經云下品十善謂一念頃中品十善謂一食頃上品十善謂從旦至午於此時中心念十善止於十惡亦得往生故野千心念十善七日不食生兜率

天又上生經云我滅度後四衆八部欲生第四天當於一日至第七日繫念彼天持佛禁戒思念十善行十善道以此功德迴向願生彌勒佛前隨念往生言七日者且從近說尚感彼天何況一生而不懃又上生經云若有禮敬彌勒佛者除却百億劫生死之罪乃至來世龍華樹下亦得見佛又云我滅度後四衆八部聞名禮拜命終往生兜率天中若有男女犯諸禁戒造衆惡業聞是菩薩大悲名字五體投地誠心懺悔一切惡業速得清淨若有歸依彌勒菩薩當知是人得不退轉彌勒成佛見佛光明即得受記 又上生經云佛滅度後若有精勤修業未終十六諸功德威儀不缺掃塔塗地華香供養行諸三昧讀誦經典如是人等雖不斷結如得六通應當繫念念佛形像稱彌勒名若一念頃受八戒齋修諸淨業命終之時即得往生兜率天上蓮華臺中應時見佛白毫相光超越九十億劫生死之罪隨其宿緣為說妙法今

得不退 又增一經云衆生三業造惡臨終憶念如來功德者必離惡道趣得生天上正使極惡之人以念佛故亦得生天 又大集經云若修慈者當捨身命時見十方佛手摩其頂蒙手觸故心安快樂尋得往生清淨佛土又普賢觀經云若有晝夜六時禮十方佛誦大乘經思第一義甚深空法於一彈指頃除百万億那由他恒河沙劫生死之罪行此法者真是佛子從諸佛生十方諸佛及諸菩薩為其和上是名具足菩薩戒者不須羯磨自然成就應受一切人天供養 又法華經云若有人受持讀誦正憶念解其義趣是人命終為千佛授手令不恐怖不墮惡道即往兜率天上彌勒菩薩所彌勒菩薩有三十二相大菩薩衆所共圍遶有百千万億天女眷屬而於中生有如是等功德利益是故智者應當一心自書若使人書受持讀誦正憶念如說修行 又智度論云若善男子能行是

深般若波羅蜜者當知是人人道中來或梵
率天來所以者何三惡道中罪苦多故不得
行深般若欲界諸天著淨妙五欲心則狂惑
故不能行色界天等著禪定味故不能行
無色界天無形故不能行以堯率天上常
有一生補處菩薩彼中諸天常聞說般若五
欲雖多法力勝故是故說二處勝若從他佛
國來生此間斯則轉勝也 又處處經云佛
言彌勒未來下有四因緣一有時福應彼間
二是此間人鹿無能受經者三功德未滿四
世間有能說經者故彌勒未下若當來下餘
有五十億七千六十万歲彌勒時人眼皆見
善來於下 四千里由本十種因緣德一不掩人眼明二
不損人眼三不覆人眼四不蔽人善五不視
殺六不視盜七不視姪八不視陰私來人短
九諸惡事不視十然燈於佛寺中又佛說彌
勒來時經云佛言彌勒佛欲來出時闍浮利
內地山樹草木皆焦盡於今闍浮利地周布

六十万里彌勒出時闍浮利地東西長四十
万里南北廣三十二万里地生五果四海之
內無山陵溪谷地平如砥樹木長大人少三
毒民多聚落城名汜羅那夷有一婆羅門名
須凡當為彌勒作父母名摩訶越題彌勒當
為作子相好具足身長十六丈生墮城地目

徹視万里內頭中目光照四千里彌勒得道

為佛時於龍華樹下坐樹高四十里廣亦四

十里大成佛經華技如龍頭故名龍華樹也

用四月八日明星出時得道彌勒佛却後六

十億殘六十万歲當來下目外大同王玄策

西國行傳云唐顯慶二年勅使王玄策等往

西國送佛袈裟至泥婆羅國西南至頗羅度

來村東坎下有一水火池若將家火照之其

水上即有火焰於水中出欲滅以水沃之其

焰轉熾漢使等曾於中架一釜煮飯得熟使

問彼國王國王荅使人云曾經以杖刺著一

金匱令人挽出一挽一深相傳云此是彌勒

善來於下

九

佛當來成道天冠金火龍防守之此池火乃是火龍火也 又智度論云彌勒菩薩爲白衣時師名婆跋梨有三種相一眉間白毫相二舌覆面相三陰藏相如是等非是菩薩時亦皆有此相也 又新婆沙論云曾聞尊者大迦葉波入王舍城最後乞食食已未久登鷄足山山有三峯如仰鷄足尊者入中結跏趺坐作誠言曰願我此身并納鉢杖久住不壞乃至經於五十七俱胝六十百千歲慈氏如來應正等覺出現世時施作佛事發此願已尋般涅槃時彼三峯便合成一掩蔽尊者儼然而住及慈氏佛出現世時將無量人天至此山上告諸衆曰汝等欲見釋迦牟尼佛土多功德弟子衆中第一大弟子迦葉波不舉衆咸曰我等欲見慈氏如來即以右手撫鷄足山頂應時峯坳還爲三分時迦葉波將納鉢杖從中而出上昇虛空無量天人觀斯神變歎未曾有其心調柔慈氏世尊如應說

法皆得見諦若無留化如此之事云何有耶有說有留化事問若尔世尊何故不留化身至涅槃後任持說法答所應作者已究竟故謂佛所應度皆已度訖所未度者聖弟子度之有說無留化事問若尔迦葉波事云何得有答諸信敬天神所任持故有說迦葉波尔時未般涅槃慈氏佛時方取滅度此不應理寧可說無不說彼默然多時虛作如是說者有留化事是故大迦葉波已入涅槃

發願部第五

惟凡夫力弱習惡來多以住娑婆其心怯弱初學是法恐畏退散常發大願扶持此行乃至命終心無障惱隨種善根願共含識自在往生彌勒內衆得至佛前隨念修學證不退轉不願往生於外衆中恐著五欲不得解脫故智度論云有人修少福業聞有福處常願往生及至命終各生其中又大莊嚴論云佛國事大獨行功德不能成就要須願力如牛

業

卷六

十

十

雖力挽車要須御者能有所至淨佛國土由願引成以願力故福德增長不失不壞常見佛故又如十住論云若人發心求佛不休不息有人以指舉大千世界在空却住不足為難若發願言我當作佛是人希有何以故世人心劣無大志故又發菩提心論有十大願常悉修行 一者願我先世及以今身所種善根施與一切眾生迴向佛道令我此願念念增長世世所生終不忘失常為陀羅尼之所守護 二者願我以此善根生處值佛常得供養不生無佛國中 三者願我近諸佛隨侍左右如影隨形 四者願我既得親近為我說法成就五通 五者願我通達世諦假名流布解第一義得正法智 六者願我以無欺心為眾生說示教利喜皆令開解 七者願我以佛神力遍至十方一切世界供養諸佛聽受正法廣攝眾生 八者願我隨順清淨法輪一切眾生聽我法者聞我名者

即得捨離一切煩惱 九者願我隨逐眾生將護與樂捨身命財荷負正法除無利益 十者願我雖行正法心無所行亦無不行為化眾生不捨正願 願我以此十大誓願遍眾生界攝受一切恒沙諸願若眾生界有盡我願乃盡然眾生界不可盡故我此大願亦不可盡廣度眾生無邊法界所修善根皆悉迴向無上正覺生彌勒佛前聞清淨法悟無生忍但行住坐卧一生已來所修善根並共法界眾生迴向彌勒佛前速成不退 玄奘法師云西方道俗並作彌勒業為同欲界其行易成大小乘師皆許此法彌陀淨土恐凡鄙穢修行難成如舊經論十地已上菩薩隨分見報佛淨土依新論意三地菩薩始可得見報佛淨土豈容下品凡夫即得往生此是別時之意未可為定所以西方大乘許小乘不許故法師一生已來常作彌勒業臨命終時發願上生見彌勒佛請大眾同時說偈云

南無弥勒如來 應正等覺 願與含識

速奉慈顏 南無弥勒如來 所居內衆

願捨命已 必生其中 感應緣略引六驗

晉譙國戴逵

晉沙門釋道安

宋左釋慧玉

梁沙門釋僧護

隋沙門釋靈幹

唐沙門釋善胄

夫最勝之相妙出無等非直光儀莫寫固亦形好不傳夫以世俗之指爪而匠法身之圓極筭數譬喻豈或萬一自泥洹以來久踰千祀西方像製流式中夏雖依經鎔鑄各務髣髴名士奇匠競心展力而精分密數未有殊絕晉世有譙國戴逵字安道者風清槩遠肥

遯齋吳宅性居理遊心釋教且機思通騰巧疑造化乃所以影響法相咫尺應身乃作無量壽挾侍菩薩研思致妙精銳定制潛於帷中密聽衆論所聞褒貶輒加詳改覈准度於毫芒審光色於濃淡其和墨點采刻形鏤法雖周人盡築之微宋客象楮之妙不能踰也

委心積慮三年方成振代迄今所未曾有凡在瞻仰有若至真俄而迎像入山陰之靈寶寺道俗觀者皆發菩提心高平郗超聞而禮觀遂撮香而誓曰若使有常復覩聖顏如其無常願會弥勒既而手中之香勃焉自然芳煙直上其氣聯雲餘燻歲蕤溢於衢路凡預

宋書十六

十一

非

聞見皆心喜遍身宋臨川康王撰宣驗記亦載其顯瑞戴公居去靈寶百有餘步戴嘗中夜而起見寺上有光其明甚熾謂是燔火狼狽往赴隣曲知者咸競駿奔而至寺門靜閉迺像放光明旦衆聞扣門方起共觀咸覩佛堂暉燄洞照于天莫不整躬虔禮歎覺化之無方也宋文帝迎像供養恒在後堂齊高帝起正覺寺欲以勝妙靈像鎮撫法殿乃奉移此像舊在正覺寺逵又造行像五軀積慮十年像舊在瓦官寺逵第二子顯字仲若素韻淵澹雅好丘園既負荷幽貞亦繼志才巧逵每製像常共參慮濟陽江夷少與顯友夷嘗

託顯造觀世音像致力罄思欲令盡美而相好不圓積年無成後夢有人告之曰江夷於觀世音無緣可改爲弥勒菩薩戴即停手馳書報江信未及發而江書已至俱於此夕感夢語事符同戴喜於神應即改爲弥勒於是觸手成妙初不誓思光顏圓滿俄爾而成有識讚仰感悟因緣之匪差此像舊在會稽龍華寺尋二戴像製歷代獨步其所造甚多並散在諸寺難悉詳錄 晉長安五級寺有釋道安姓衛氏常山扶柳人也形雖不逮於人而聰雋罕儔七歲讀書再覽能誦年至十三出家日誦萬言不差一字師敬異之爲受具兼 朱林十六 十三戒恣其遊學至鄴乃入中寺遇佛畝澄澄見而嗟異與語終日因事澄爲師澄講安覆疑難鋒起安挫銳解紛行有餘力時人語曰漆道人驚四鄰安後避地南投襄陽與弟子釋慧遠等四百餘人渡江夜行值雷雨乘電光而進前行得入一家見門裏有二馬擲中間

懸一馬甕可容一斛安呼林伯外主人驚出果姓林名伯外謂是神人厚相奉接既而弟子問何以知其姓字安曰兩木爲林甕容百升也既至襄陽有一外國銅像形製古異時衆不甚恭重安曰像形相致佳但鑿形未稱令弟子鑪冶其鑿既而光焰煥炳曜滿一堂詳視鑿中見一舍利衆咸愧服安曰像既靈異不煩復治乃止識者咸謂安知有舍利故出以示衆時襄陽習鑿齒鋒辯天逸籠罩當時其先籍安高名早以致書通好承應真履正明白內融慈訓薰照道俗齊蔭自大教東流四百餘季雖蕃王居士時有奉者而真丹宿訓先行上世道運時遷俗未僉悟自頃道業之隆盛無以近所謂月光將出靈鉢應降法師任當洪範化洽無幽此方諸僧咸有思慕若塵靈東徂摩丘迴曜一躡七寶之座暫現明哲之燈雨甘露於豐草植旃檀於江湄則如來之教獲崇於今日玄波溢漾重蕩於

末代矣文多不悉載及聞安至止即往修造
 既坐稱言四海習鑿齒安曰彌天釋道安時
 人以爲名答安常注諸經恐不合理乃誓曰
 若所說不甚達理願見瑞相乃夢見胡道人
 頭白眉毛長語安云君所注經殊合道理我
 不得入涇洹住在西域當相助引通可時時
 設食後十誦律至遠公乃知和上所夢賓頭
 盧也於是立座飯之處成則安既德爲物
 宗學兼三藏所制僧尼軌範佛法憲章條爲
 三例一曰行香定座上經上講之法二曰常
 日六時行道飲食唱時法三曰布薩差使悔
 過等法天下寺舍遂則而從之安每與弟子
 法遇等於彌勒前立誓願生兜率後至秦建
 元二十一年正月二十七日忽有異僧形甚
 庸陋來寺寄宿寺房既寤處之講堂時維那
 直殿夜見此僧從窻隙出入遽以白安安驚
 起禮訊問其來意答云相爲而來安曰自惟
 罪深詎可度脫彼答云甚可度耳然須更浴

聖僧情願必果具示浴法安請問來生所生
 之處彼乃以手虛撥天之西北即見雲開備
 觀兜率妙勝之報尔夕大衆數十人悉皆同
 見安後營浴具見有非常小兒伴侶數十來
 入寺戲湏臾就浴果是聖應也至其季二月
 八日忽告衆曰吾當去矣是日齋畢無疾而
 卒葬城內五級寺中是歲晉泰元十季也季
 七十二安未終之前每先聞羅什在西國思
 共講析每勸堅取之什亦遠聞安風謂是東
 方聖人恒遙而禮之初安生而便左僻有一
 皮廣寸許著辟拊可得上下之唯不得出手
 時人謂之寶印手菩薩安既終後十六季什
 公方至什恨不相見悲恨無極安既篤好經
 典志在宣法所請外國沙門僧伽提婆曇摩
 難提及僧伽跋澄等譯出衆經百餘方言常
 與沙門法和詮定音字詳覈文旨新出衆經
 於是獲正孫綽爲名德沙門論目云釋道安
 博物多通才經名理又爲之贊曰

朱林共

主

物有廣贍人固多宰淵淵釋安專能兼倍
飛聲汧壘馳名淮海形雖革化猶若常在
有別記云河北別有竺道安與釋道安齊名
謂習鑿齒致書於竺道安本隨師姓竺
後改爲釋世見其二姓因謂爲兩人謬矣此右
二驗出梁宋臣釋慧玉長安人也行業勤

修經戒通備嘗於長安薛尚書寺見紅白光
十餘日中至四月八日六重寺沙門來遊此
寺於光處得弥勒金像高一尺餘慧玉後南
渡樊鄆住江陵靈收寺元嘉十四季十月夜
見寺東樹有紫光爛起暉映一林以告同學
妙光等而悉弗之見也二十餘日玉常見焉

後寺主釋法弘將於樹下營築禪基仰首條
間得金坐像亦高尺許也右此一驗
出冥祥記

梁剡石城山有釋僧護本會誓剡人也少出
家便剋意苦節戒行嚴淨後居剡石城山隱
岳寺寺北有青巒直上數十餘丈當中央有
如佛焰光之形上有叢樹曲幹垂蔭護每經

行至僻所輒見光明煥炳聞弦管歌讚之聲
於是擊鑪發誓願博山鑄造十丈石佛以敬
擬弥勒千尺之容使凡厥有緣同觀三會以
齊建武中招結道俗初就彫剪竦鑿移季僅
成面璞湏之護遘疾而亡臨終誓曰吾之所
造本不期一生成辦第二身中其願剋果後

有沙門僧淑纂襲遺功而資力莫由未獲成
遂至梁天監六季有始豐令吳郡陸咸罷邑
還國夜宿剡溪值風兩晦冥咸皆危懼假寐
忽夢見三道人來告云若識信堅正自然安
隱有建安殿下感患未瘳若能治剡縣僧護
所造石像得成就者必獲平豫冥理非虛宜
業 朱朱十六 夫 斤

相開發也咸還都經季稍忘前夢後出門乃
見一僧云聽講寄宿自言去歲剡溪所囑建
安王事猶憶此不成當時懼然答云不憶道
人笑曰宜更思之仍即辭去咸悟其非凡乃
倒屣諮訪追及百步忽然不見咸豁尔意解
具憶前夢乃剡溪所見第三僧也咸即馳啓

建安王王即以上聞勅遣僧律師師專任像
 事王乃深信益加喜踊充遍抽捨金貝誓取
 成畢初僧祐未至一日寺僧慧遠夢見黑衣
 大神翼從甚壯立于龕所商略分數至明旦
 初祐律師至其神應若此初僧護所剗鑿龕
 過淺乃鑄入五丈更施頂髻及身相剗成瑩
 磨將畢夜中忽當卍字處色赤而隆起今像
 背卍字處猶不施金薄而赤色存焉像以天
 監十二年春就功至十五年春竟坐軀高五
 丈立形十丈龕前架三層臺又造門閣殿堂
 并立衆基業以充供養其四遠士庶並提挾
 香華萬里來集供施往還軌迹填委自像成
 之後建安王所苦消瘞王後改封今之南平
 是也右一驗出隋西京大禪定道場釋靈幹
 俗姓李氏金城狄道人也志節恭勤常修淨
 業依華嚴經作蓮華藏世界海觀及作弥勒
 天宮觀至開皇十七年遇疾暴悶唯心不冷
 未敢藏殯後醒述云初見兩人手把文書戶

前而立曰官須見師俛仰之間乃與俱往狀
 如乘空足無所涉到一大園七寶樹林端嚴
 如畫二人送達便辭而退幹獨入園東西極
 目但見林地山池無非珍寶焜煌亂目不得
 正視樹下花座或有人坐或無坐者忽聞人
 喚云靈幹汝來此耶尋聲就之乃慧遠法師
 也禮訊問曰此為何所荅曰是兜率陀天吾
 與僧休同生於此次吾南坐上者是休法師
 也遠與休形並非本身頂戴天冠衣以朱紫
 光偉絕世但語聲似舊依然可識又謂幹曰
 汝與我諸弟子後皆生此矣因得覺悟重增
 故業端然觀行絕交人物至大業三年禪定
 初成勅召為道場上座僧徒一盛匡救有叙
 至於八年於本房內所患漸重將欲終卒目
 精上視不與人對久之乃垂顏如常日沙門
 童真問疾因見是相幹謂真曰向見青衣童
 子二人來召相逐而去至兜率天城外未得
 入宮若翹足舉望則見城中寶樹花蓋若平

立即無所見也傍侍疾者向舉目者是其相矣真曰若即住彼大遂本願幹曰天樂非久終墜輪迴華嚴藏海是所圖也不久氣絕須臾復蘇童真問何所見耶幹曰見大水遍滿華如車輪幹坐其上所願足矣尋亦便卒法師是隋時曰大禪定寺主武德初亡也以大業八年正月二十

九日卒於本寺春秋七十有八也

唐西京淨影寺釋善胄俗姓淮氏瀛州人也通敏易悟極閑論激機辯為心美譽聞徹於仁壽末季奉勅置塔送舍利子梓州牛頭山華林寺嚴肇將達感豬八頭突倒墜下從行至館驅逐乃走還來如故漸至城治黑蜂四牧形甚壯偉隨輦旋遶數而便去既至州館夜放大光明徹屋上如火焰發食頃方滅又掘塔基入深丈餘正當函處得古瓷瓶無蓋有水清澄香美乃用盛於函內寺九層浮圖從西南角第二級放光上照相輪如五石瓮黃赤如火良久方隱又堂內弥勒像亦放眉

間紫光并二菩薩亦放赤光通照寺院前後七度衆人同見除不來者武德三年八月內終於本寺春秋七十有一右二驗出唐

法苑珠林卷第十六

藁六

石古爽反遠反惟槩反古代遯反良補毛反悲劫都反勸基聯連汜似音蕤而佳燔煩掃反

法苑珠林卷第十七

藁七

大唐上都西明寺沙門釋道世撰

普賢驗第六 敬法篇第七

宋路昭太后 宋沙門釋道温

宋沙門釋道因 齊沙門釋普明

宋路昭太后大明四年造普賢菩薩乘寶輦白象安於中輿禪房因設講于寺其季十月八日齋畢解座會僧二百人于時寺宇始構帝甚留心輦蹕臨幸旬必數四僧徒勤整禁衛嚴肅次日僧各有定就席久之忽有一僧預于座次風兒秀舉闔堂驚瞞齋主與語往還百餘言忽不復見列筵同覩識其神人矣